



BOSNIA AND HERZEGOVINA
Ministry of Foreign Trade and Economic Relations
Veterinary Office of Bosnia and Herzegovina

Na osnovu člana 21. tačke 2. i člana 84. tačke 1. Zakona o veterinarstvu u Bosni i Hercegovini ("Službeni glasnik BiH", broj 34/02), Ured za veterinarstvo Bosne i Hercegovine donosi

UPUTSTVO

o zabrani uvoza određenih pošiljki radi sprečavanja unosa u Bosnu i Hercegovinu afričke svinjske kuge

Član 1.

(1) Radi sprečavanja unosa u Bosnu i Hercegovinu afričke svinjske kuge zabranjuje se uvoz u Bosnu i Hercegovinu i provoz preko područja Bosne i Hercegovine slijedećih vrsta pošiljki:

- a) žive domaće i divlje svinje;
- b) sjemeni domaćih i divljih svinja;
- c) embriji/jajne stanice domaćih i divljih svinja.

a koji su porijeklom iz:

- vojvodstava Lubelskie, Mazowieckie, Podlaskie i Warmińsko-Mazurskie u Republici Poljskoj,
- Mađarske,
- Estonije,
- Latvije,
- Litvanije,
- Moldavije,
- Rumunije,
- Bugarske,
- Regije Luxembourg u Belgiji,
- Slovačke.

(2) Radi sprečavanja unosa u Bosnu i Hercegovinu afričke svinjske kuge zabranjuje se uvoz u Bosnu i Hercegovinu i provoz preko područja Bosne i Hercegovine slijedećih vrsta pošiljki:

- a) svježe meso domaćih i divljih svinja;
- b) proizvodi od mesa domaćih i divljih svinja;
- c) proizvodi porijeklom od domaćih i divljih svinja namijenjenih za poljoprivrednu, industrijsku i drugu upotrebu, koji nisu bili obrađeni na način da je sa sigurnošću uništen virus afričke svinjske kuge,
- d) proizvodi porijeklom od domaćih i divljih svinja namijenjenih farmaceutskoj ili medicinskoj (hirurškoj) upotrebi, koji nisu bili obrađeni na način da je sa sigurnošću uništen virus afričke svinjske kuge;
- e) patološki materijal i biološki proizvodi od domaćih i divljih svinja, koji nisu bili obrađeni na način da je sa sigurnošću uništen virus afričke svinjske kuge,

a koji su porijeklom iz:

- vojvodstava Lubelskie, Mazowieckie, Podlaskie i Warmińsko-Mazurskie u Republici Poljskoj,
- okruga Borsod-Aabauj-Zemplen, Hajdu-Bihar, Heves, Nograd i Szabolcs-Szatmár-Bereg u Mađarskoj,
- Estonije,
- Latvije,
- Litvanije,
- Moldavije,

- Rumunije,
- Bugarske,
- Regije Luxembourg u Belgiji,
- Regije Košice u Slovačkoj.

(3) Pored navedenog, zabranjuje se uvoz živih domaćih i divljih svinja koje potiču iz drugih regija i država ako se prije ulaska na teritoriju Bosne i Hercegovine prevoze preko područja navedenih u stavu (1) ovog člana.

Član 2.

Bez obzira na odredbe navedne u članu 1. ovog Uputstva, zabrana se ne odnosi na:

- a) hermetički zatvorene toplinski obrađene konzerve od mesa, koje su tokom proizvodnje bile podvrgnute obradi sa F0 vrijednosti 3 i više, odnosno trajne konzerve;
- b) proizvode od mesa svinja u kojima je tokom obrade u cijelom proizvodu postignuta temperatura od minimalno 80°C u trajanju od najmanje 30 minuta,
- c) termički neobrađene šunke težine od najmanje 5,5 kg koje su podvrgnute prirodnoj fermentaciji i zrenju najmanje 9 mjeseci i u kojima je:
 - 1) aktivnost vode < 0,93 i
 - 2) pH vrijednosti < 6,0.

Član 3.

Ukoliko se zabrana odnosi na cijelu državu, stupanjem na snagu ovog Uputstva, privremeno prestaju važiti sva Rješenja o nepostojanju veterinarsko-zdravstvenih smetnji izdata za uvoz pošiljki roba navedenih u članu 1. ovog Uputstva.


Član 4.

Stupanjem na snagu ovog Uputstva prestaje važiti Uputstvo o zabrani uvoza određenih pošiljki radi sprečavanja unosa u Bosnu i Hercegovinu afričke svinjske kuge (broj: 02-4-02-2-378-4/19 od 14.08.2019. godine).

Član 5.

Ovo Uputstvo stupa na snagu danom donošenja i vrijedi do donošenja odgovarajuće Odluke Vijeća ministara Bosne i Hercegovine, odnosno do njegovog stavljanja van snage posebnom Odlukom radi prestanka opasnosti od unosa u Bosnu i Hercegovinu afričke svinjske kuge.

Broj. 02-1-02-2-378-6/19
Datum: 06.09.2019



DIREKTOR

Ljubomir Kalaba

Dostaviti:

- Svim graničnim veterinarskim inspektorima;
- Odjeljenje za zdravlje i dobrobit životinja;
- Odjeljenje za sigurnost hrane i uslove u objektima;
- Arhiva.